

# Islam dan Umat Islam

Harta Kekayaan dan Pengaruhnya dalam Lapangan Hidup

## Islam Menggalakkan Umatnya Mengumpulkan Harta Secara Halal

(Oleh: Ya‘kub Salihi, Kuala Nerang)

### Harta Benda Punca Kemajuan

Saya kira tidak ada seorang pun di antara manusia yang sihat fahamannya di muka bumi ini yang sanggup dan berani manafikan kebenarannya, bahawa harta kekayaan itu ialah sumber segala kemajuan (dunia – akhirat), kerana telah sedia maklum bahawa setiap detik alam ini beredar maka sebanyak itulah juga harta benda ikut memberi tenaganya, baik di kalangan perseorangan, kemaSharakatan, mau pun dalam soal kenegaraan. Seorang akan merasai dirinya tersingkir jauh dari pergaulan masykatnya<sup>1</sup>, dan merasai dirinya terlalu dihina, mungkin seorang itu akan berputus asa perhubungannya dengan segala keindahan di dunia ini, jika sekiranya hidupnya tak memiliki sesuatu selain dari tulangnya yang empat kerat.

Demikian juga sesuatu maSharakat itu takkan dapat bergerak ke arah lebih baik, seandainya seluruh anggotanya bernaung di bawah panji-panji kemiskinan, malahan nasib mereka akan bertambah buruk lagi, kerana keluarga masyarakat itu tetap akan bertambah bilangannya dari setahun ke setahun. Dalam soal susunan kenegaraan pula, kalau kekurangan pengawal dan tenteranya

saya kira tidaklah menjadi soal yang terlalu rumit.

Tetapi dalam masalah harta benda (kewangan) akibatnya tululu<sup>2</sup> buruk. Dengan keadaan demikianlah, maka seluruh manusia, tidak kira apa bangsa, kepercayaan, tingkatan perseorangan dan permaSharakatan, kesemuanya mengarahkan segenap daya tenaganya dan cintanya ke bidang berusaha. Usaha yang mendatangkan mata benda (harta benda) yang mereka percaya boleh mengubah corak hidup mereka ke bidang yang lebih baik dan sempurna lagi.

Tiap-tiap sebuah negara mempunyai kabinetnya. Dalam kabinet itu terbahagi pula beberapa cawangan kementerian yang mempunyai tanggungjawab masing-masing, di antaranya yang kita tahu, Menteri Hasil Bumi, Perdagangan, Kewangan, Perikanan, Kehutanan, dan lain-lain lagi. Semua jabatan-jabatan kementerian yang tersebut walaupun tugasnya agak berlainan, tetapi pada matlamatnya adalah satu sahaja: yaitu untuk memperbaiki hal ehwal kewangan (harta benda) negaranya bagi membina taraf kedudukan negara itu, dan membela keadaan rakyat jelatanya ke arah yang lebih baik dan sempurna. Kerana negara dan rakyat mempunyai perkongsian atau perhubungan yang kuat, tak boleh dipisah-pisahkan. Rakyat bermati-matian menumpah kerjasama untuk

<sup>1</sup> Perkataan sebenar ialah maSharakatnya

<sup>2</sup> Perkataan sebenar ialah terlalu.

kepentingan negaranya. Begitu juga di pihak negara sedaya upaya berusaha untuk kemakmuran rakyat jelatanya.

### Pengaruh Harta dalam Jiwa Manusia

Harta benda bukan sahaja dikira oleh manusia sebagai alat perantaraan untuk taraf kehidupan manusia ke bidang yang lebih sempurna tetapi anggapan manusia lebih dari itu. Ada orang yang meletak kepercayaan kepada harta benda sebagai dasar ketuhanan mereka, jelasnya mereka bertuhankan mata benda, yaitu faham Communism. Communism ialah suatu fahaman anti agama yang dilahirkan oleh Karl Marx danya<sup>3</sup> Lenin. Yang sekarang sedang dijalankan oleh Khrushchev pemimpin Russia. Mereka ini tidak mempercayai sama sekali tentang adanya satu kuasa ghaib yang mentadbirkan seluruh isi alam ini, tegasnya mereka tidak percaya adanya Tuhan.

Menurutnya harta benda yang membawa kesenangan hidup bahagia di dunia ini, itulah yang sebenarnya Tuhan, dan itulah yang dikatakan syurga. Sebaliknya tiap-tiap kesempitan dalam kehidupan manusia, itulah dipanggil neraka.

Di sini dapatlah kita mengukur sejauh mana, dan sebesar mana harta benda dalam mempengaruhi jiwa manusia tetapi bagi kita (orang-orang Islam) tak dapat menerima sama sekali fahaman Communism itu. Sebenarnya harta benda itu tak sanggup atau tak dapat memberi jaminan keamanan sedikit pun. Walau di mana daerah dan iklimnya. Buktinya cubalah kita renungkan keadaan yang menjadi-jadi hari ini di sekeliling kita. Permusuhan terus menerus berlaku di antara sebuah negara dengan sebuah

negara lain sewenang-wenangnya, berontak memberontak sesama sendiri tidak juga kekurangan, seterusnya perselisihan keluarga dengan keluarga hampir sebatی dengan peribadi manusia hari ini. Kesemuanya itu dari manakah titik permulaannya? Jawabnya: Titik permulaannya atau puncanya ialah harta benda atau kekayaan yang menjadi sumbernya yang utama. Yang satu mempertahankan haknya, yang lain pula bercita-cita hendak merampasnya. Masing-masing menunjukkan kehandalannya tersendiri dalam mempertahankan haknya supaya jangan ditewaskan orang. Ribuan jenis

### BUKU2 RUMI

#### (a) Siri buku2 Bachaan Sekolah Rendah:

1. Tunas Baru (ABC)	1.50
2. Tunas Baru I	1.00
3. Tunas Baru II, III dan IV	1.50
4. Senang Bacha I dan II	80

#### (b) Buku2 Bachaan Tambahan untuk Sekolah Rendah:

5. Kuching Hitam (A. H. Edrus)	.30
6. Peristiwa Hari Sabtu	" .30
7. Nabi Sulaiman dengan Semut	.30
8. Lutong Sakti I	.35
9. Lutong Sakti II	.35
10. Karun Dengan Harta-nya	.35
11. Pekebun Yang Tama'	.35
12. Lembu Chantek	.35
13. Kisah Minangkabau	.40
14. Sutan Balun	.40
15. Puteri Balqis	.45
16. Pendudok Gua	.50
17. Sebab Harimau	.50
18. Cherita Burong Hantu	.75
19. Nakhoda Dengan Datok Perpateh	.30
20. Si-Buta	.30

### QALAM

356 & 358 Geylang Road,  
Singapore 14.

<sup>3</sup> Perkataan sebenar ialah dan

alat-alat senjata modern diciptakan yang boleh menghancur lebur sesuatu daerah dengan mudahnya. Kesemua alat-alat perosak itu lahirnya dari kepintaran pemikiran manusia, harta benda menjadi alat untuk menghasilkannya. Pendek kata harta boleh menyelamatkan manusia, sebaliknya harta juga boleh memusnahkan segala-galanya di muka bumi ini.

Kesimpulannya kita dapati bahawa harta benda tak ada jaminan sesuatu pun. Hanya yang sanggup menjamin ketenteraman dunia ialah dasar ideologi Islam yang tulen dan sebenar, bukan yang pada sadurannya sahaja.

## Harta Menurut Pengajaran Islam

Ada setengah orang mengatakan bahawa agama Islam melarang umatnya mencari harta benda kekayaan di dunia ini, mereka mengatakan agama Islam hanya menyuruh umatnya beribadah menyembah Tuhan sebanyak-banyak yang boleh untuk bekalan akhirat. Mereka berkata seterusnya ((dunia dijadikan bukan untuk kita (orang-orang Islam))). Menguatkan pendapatnya itu dibawanya sepotong hadith yang berbunyi: “*Al-dunyā sijnū al-mu’mīnīn wa jannatū al-kāfirīn*” ertinya “Dunia ini ialah penjara orang-orang Mukmin, dan syurga orang-orang Kafir.” Hadith ini kalau dipandang sepantas lalu memang benar tentang apa yang ditafsirkan oleh mereka. Tetapi tujuannya yang sebenar tidaklah demikian. Yang dimaksudkan penjara itu ialah undang-undang atau pergaulan yang dihadkan oleh Allah terhadap umat Islam supaya berada di dalam lingkungan kesejahteraan dunia dan akhirat. Adapun syurga yang dimaksudkan ialah kebebasan yang tak mempunyai batasan, tidak ada undang-undang yang ditetapkan ke atas golongan orang-orang Kafir, dan mereka itu tak ada

jaminan kebahagiaan sama sekali, baik di dunia mau pun di akhirat kelak.

Satu hadith lagi yang bermaksud: Dunia itu bangkai dan yang menuntutnya itu anjing. Kalau dipandang pada segi kata-katanya sudah tentu melemahkan segenap tenaga untuk bekerja sesuatu, maka waktu itu jadilah kita sebagai satu makhluk yang pasif (kaku). Tetapi tujuan yang sebenarnya pada hadith itu ialah: Tuhan melarang keras seseorang itu mencari harta kekayaan sebagai alat untuk menindas kaum-kaum yang lemah atau kaum-kaum bawah. Dalam urusan pengorbanan untuk faedah maSharakatnya, bangsanya, tanah airnya, dan agamanya adalah jauh sama sekali dari ingatannya, hanya yang diingatnya semata-mata karungnya sahaja, biar berisi cekang, peduli apa orang lain.

Perbuatan semacam inilah yang disifatkan oleh Rasulullah sebagai anjing, maka selama dia tidak mengubah tabiatnya yang buruk itu, selama itulah dia berada di bawah kutukan Allah, walaupun harta itu didapatinya dengan jalan halal, apalagi kalau harta itu didapatinya mengikut apa yang terlintas sahaja.

Berbalik ke pokok perbicaraan kita semula, Islam tidak menegah pengikut-pengikutnya mengumpulkan harta, malahan digalakkan lagi ke arah itu, selama seorang itu sanggup menguasai hartanya, dan jangan sampai hartanya menguasai dirinya. Yakni selama harta itu tidak menariknya ke arah melupai ajaran-ajaran Islam dan tanggungjawabnya yang diwajibkan oleh Allah *subhānahu wa ta’ālā*.

Buktinya yang hampir sekali marilah kita tinjau

dari segi amal ibadah yang lima, yang telah pun

menjadi rukun Islam bagi seseorang itu.

Di antaranya sembahyang, zakat, dan fardu haji, dalam

ibadah sembahyang untuk mengesahkannya kita diSharakkan

oleh Tuhan supaya memakai pakaian yang meliputi aurat

lagi bersih.

Berzakat: Kita tak dapat menghasilkan zakat ini

sebelum kita berusaha membajak sawah dengan banyaknya

sehingga mencukupi nisab zakatnya. Pada zakat ternakan

pula, kita perlu menternak lebih dulu dengan banyaknya

lembu, kerbau dan kambing, sehingga mencukupi

nisabnya yang ditetapkan, begitulah seterusnya pada zakat

yang lain-lain.

Untuk menunaikan fadu haji pula. Ini bukanlah

satu soal yang kecil buat kita, bahkan dia

(fardu haji) adalah terhitung dalam rangkaian yang terbesar

sekali. Kerana bagi orang-orang yang berjauhan dengan

negeri Mekah sudah tentu berkehendak kepada perbelanjaan

yang sangat banyak.

Di sini kita dapat memikirkan sendiri dengan teliti,

bahawa urusan ibadah yang tersebut itu tak dapat kita

capai dengan berdiam diri sahaja, atau dengan melekat pada

kain sejадah (tikar sembahyang) dan bertasbih semata-mata,

melainkan sesudah kita bantingkan segenap tenaga kita

bertungkus lumus berusaha, mengumpul harta dengan

harapan supaya kita dapat memenuhi kehendak-kehendak Islam yang

diSharakkan ke atas tiap-tiap umat Islam.

Dengan itu sudah cukup untuk kita mengambil

kesimpulan atau dalil, bahawa mencari harta itu

mempunyai pertalian yang rapat dengan amalan akhirat dan

boleh pula kita sifatkan, tiap-tiap kekayaan di dunia yang

bertali temali dengan akhirat itu ialah ibadah (*((al-dunya*

*mazra'ah al-ākhira))* (Dunia ialah tanaman untuk akhir-akhirat<sup>4</sup>

Hadith. Selain dari yang tersebut itu banyak hadith

Nabi dan ayat-ayat Tuhan yang menggalakkan umat-umat Islam

mencari kekayaan di muka bumi ini. Sepotong hadith

Nabi *ṣalla Allāh ‘alayhi wa sallam* ada menerangkan (*((a‘mālu li dunyaka*

*ka annaka ta‘ishu abadā, wa a‘mālu li akhiratka ka annaka tamūtu*

*ghadā))*. Maksudnya: “Bekerjalah kamu untuk duniamu

(yakni berusaha mencari apa sahaja keperluan hidup

kita yang diredayai Tuhan) seolah-olah engkau hidup

selama-lamanya, dan bekerjalah kamu untuk akhirat engkau

(yakni tunaikan segala perintah Tuhan yang ditentukan dan

jauhkan larangannya serta banyak-banyak beribadah) seolah-olah

engkau akan mati esok hari.”

Dan lagi dalam al-Qur’ān al-Karīm Tuhan berfirman:

*Wabtaghi fīmā ātāka Allāhu al-dāra al-ākhirah wa lā tansa naṣībaka*

*mina al-dunya))* Tujuannya: Allah *subhānahu wa ta‘ālā* menyuruh

kita berbuat ibadah sebanyak-banyak yang boleh untuk bekalan

di akhirat nanti, dalam pada beribadah itu Allah mengingatkan

kita pula supaya jangan kita melupai habuan

kehidupan kita di dunia ini yakni dengan bekerja dan

berusaha mencari harta. Dalam hal ini Allah berfirman:

*((Fa idhā quḍiyati al-ṣalātu fantashirū fī al-arḍi wabtaghū*

*min faḍli allāh wadhkuru allāh kathīrā la ‘allakum tuflīḥūn))* tujuannya

sesudah kita menunaikan ibadah sembahyang, kita

disuruh oleh Tuhan beredar di atas muka bumi ini

yakni mencari kehidupan daripada nikmat dan kurniaan

Allah, tetapi di samping kita mencari mencari kesenangan itu

Tuhan memberi ingatan supaya jangan kita melupai-Nya,

maka dengan cara itulah kita tetap beroleh kejayaan dan

keuntungan di dunia dan akhirat.

<sup>4</sup> Perkataan sebenar ialah akhirat